

Bosna i Hercegovina
Ministarstvo odbrane/obrane



Босна и Херцеговина
Министарство одбране

“PERSPEKTIVA” JE VAŠA MOGUĆNOST
&
UZMITE PERSPEKTIVU U SVOJE RUKE



REGISTRIRAJTE SE !!!

P o š t o v a n i ,

Ovaj letak je zamišljen kao jedinstveni pisani izvor kratkih i sažetih informacija čija je svrha da vam pruži osnove o procesu tranzicije u kojem se nalazite.

Kako vam je poznato, Ministarstvo odbrane Bosne i Hercegovine razvilo je i primjenjuje Program tranzicije i zbrinjavanja otpuštenog personala "PERSPEKTIVA", kao sistem pomoći i brige za vlastito osoblje koje napušta vojnu službu. Programom se utvrđuju mjere i aktivnosti koje realiziraju MO i OS BiH u saradnji sa svim nivoima vlasti u cilju zbrinjavanja otpuštenog vojnog personala.

Programom "Perspektiva" se osigurava jedinstvena institucionalna podrška svih nivoa vlasti, nevladinog sektora i potencijalnih donatora, odnosno licima u tranziciji omogućuje savjetodavna, edukacijska i druga stručna pomoć definirana Programom. Program "Perspektiva" ne garantuje i ne nudi radna mjesta. Sa mjerama i aktivnostima predviđenim u Programu omogućava vam se da se sami izborite na tržištu rada za status kakav zaslužujete.

Važno je reći da u procesu tranzicije uistinu niste sami. Svi smo na određeni način vlasnici Programa. On ne uključuje samo institucije izvršne vlasti, već i čitav niz vladinih i nevladinih organizacija, osiguravajući široku podršku svih nivoa vlasti, nevladinog sektora i potencijalnih donatora. Ipak, najvažniji član Programa ste vi sami. Na vama počiva najveći dio cjelokupnog tereta i odgovornosti za vlastitu budućnost. "PERSPEKTIVA" ukazuje na mnoštvo različitih mogućnosti koje vam Program pruža. Iskreno vas pozivamo da postanete njegov korisnik. Uz njega ćete postati svjesni kvaliteta koje posjedujete kao bivši pripadnik vojne organizacije - kvaliteta koje poslodavci teško mogu naći na postojećem tržištu rada. Vaš zadatak je da ih prepoznate, dogradite, a zatim na pravi način iskoristite u novom egzistencijalnom okruženju. Vjerujemo da će vam Program pomoći u nastojanjima da izgradite karijeru uspješniju od vojne, a za nas će to biti potpun uspjeh.

Za detaljnije informacije možete se obratiti na sljedeće telefone:

Odsjek za tranziciju personala MO BiH - ul. H.Kreševljakovića 98, 71000 Sarajevo, telefoni: 033/286-524, 286-694, 286-526 i 286-527

Regionalni tranzicijski centar Sarajevo - Kasarna „Rajlovac“ – 71000 Sarajevo, telefoni: 033/773-400 i 773-450 lokali: 3210, 3008, 3240,

Regionalni tranzicijski centar Mostar - Kasarna „Stanislav Baja Kraljević“ – 36000 Mostar, telefoni: 036/351-255 i 352-761

Regionalni tranzicijski centar Banja Luka – Kasarna „Kozara“ – 51000 Banja Luka, telefoni: 051/335-615 i 335-821

ili internet stranici MO BiH: www.mod.gov.ba

KO IMA PRAVO NA POMOĆ KROZ PROGRAM "PERSPEKTIVA"?

Pravo na pomoć kroz Program tranzicije i zbrinjavanja otpuštenog personala u MO i OS BiH "Perspektiva" ostvaruje personal kojem vojna služba prestaje zbog neispunjavanja uslova iz člana 101. Zakona o službi u OS BiH, odnosno usljed reorganizacije OS BiH ili reforme sistema odbrane. Program "Perspektiva" dostupan je na dobrovoljnoj osnovi.

ŠTA TREBA DA URADIM DA SE KVALIFIKUJEM ZA POMOĆ?

- Da se registrirate za Program "Perspektiva".
- Registracija i uključivanje u Program – vrši se **podnošenjem** Zahtjeva za uključivanje u Program tranzicije i zbrinjavanja „Perspektiva” na obrascu **LZ – 1**, koji se dobija u personalnoj službi svoje jedinice ili nadležnom regionalnom tranzicijskom centru (RTC).

KADA?

Registracija se vrši najranije 2 mjeseca prije prestanka vojne službe, odnosno najkasnije 30 dana od dana dobijanja naredbe ili obavijesti o prestanku vojne službe ili isteku ugovora.

KAKO?

Obrazac LZ-1 podnosi se putem nadležnog RTC-a u tri istovjetna primjerka, od kojih jedan primjerak zadržava RTC, drugi se daje podnosiocu, a treći se dostavlja Odsjeku za tranziciju personala MO BiH. Lice u tranziciji smatra se uključenim u Program "Perspektiva" datumom zaprimanja obrasca LZ-1 u Odsjeku za tranziciju personala. Pojedinačni postupak tranzicije i zbrinjavanja započinje sa danom prijema popunjenog obrasca LZ-1 u Odsjeku za tranziciju personala, a završava s danom provedbe izabranog projekta pomoći u koji je osoba uključena, ali ne može trajati duže od tri godine.

KOJE DOKUMENTE MORAM DOSTAVITI?

1. Uredno popunjen Zahtjev za uključivanje u Program tranzicije i zbrinjavanja „Perspektiva” (obrazac **LZ – 1**),
2. Kopiju naredbe/obavijesti o prestanku vojne službe ili radnog odnosa.

MOGUĆE VRSTE POMOĆI KROZ PROGRAM "PERSPEKTIVA"?

a) Obavezni projekti:

1. Projekat informisanja i medijske podrške i

2. Motivacioni kursevi – projekat tranzicijskih radionica.

b) Odabirni projekti:

1. Projekat informisanja o malom i srednjem preduzetništvu,
2. Projekat savjetovanja i pomoći pri pronalaženju posla,
3. Projekat redovnih otpremnina *1 (ova vrsta pomoći, shodno zakonskim propisima, dostupna je licima koja postanu prekobrojna u sistemu odbrane usljed reorganizacije OS BiH i MO BiH ili donošenjem odluke o reformi sistema odbrane),
4. Projekat kreditiranja poznatog poslodavca,
5. Projekat pomoći u oblasti poljoprivrede,
6. Projekat stručnog usavršavanja i osposobljavanja i
7. Projekat zapošljavanja kod dobavljača i poslovnih partnera MO i
8. Projekat ustupanja vojnih objekata za privrednu djelatnost *2 (ova vrsta pomoći, shodno zakonskim propisima, dostupna je licima u tranziciji licima samo pod uslovom da se za ustupanje neperspektivnih vojnih objekata i imovine prethodno obezbjedi saglasnost nadležnih entitetskih organa).

Program „Perspektiva“ uključuje informisanje o tržištu rada, malom i srednjem preduzetništvu, savjetovanje i pomoć u pronalaženju posla, pomoć u pokretanju vlastitog biznisa, pomoć u oblasti poljoprivrede, stručno usavršavanje i osposobljavanje do preuzimanja i zapošljavanja u druge organe i institucije.

KOJE SU FAZE PROCESA TRANZICIJE?

Postupak tranzicije i zbrinjavanja sastoji se od sljedećih faza:

- prvog pojedinačnog razgovora,
- motivacionih kurseva i tranzicijskih radionica,
- drugog pojedinačnog razgovora,
- potpisivanja pojedinačnog ugovora,
- implementacije odabranog pojedinačnog projekta pomoći.

KAKO SE GUBI PRAVO NA KORIŠTENJE POMOĆI?

Ukoliko lice u tranziciji iz bilo kojih razloga ne iskoristi pravo registracije za Program ”Perspektiva” u roku utvrđenom u članu 4. stav 2. Pravilnika ili u skladu sa ličnom odlukom ili iz nekih drugih neopravdanih razloga ne želi učestvovati u radu tranzicijske radionice ili provoditi druge obavezne tranzicijske radnje, gubi pravo na korištenje svih projekata pomoći definiranih Programom „Perspektiva“.

ZATO NE ZABORAVI DA SE REGISTRUJEŠ !!!

